



Broj:01-01-0261/25 JN  
Sarajevo, 26.02.2025.godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama („Službeni glasnik BiH“, broj 39/14, 59/22 i 50/24), člana 14. stav (2) Pravilnika o javnim nabavkama roba, usluga i radova u Javnoj ustanovi „Služba za zapošljavanje Kantona Sarajevo“ Sarajevo broj: 09/1-1382-1-UO/22 od 05.08.2022. godine i broj: 09/1-2461-UO/23 od 20.09.2023. godine, a na osnovu Preporuke Komisije za javnu nabavku, broj: 09/3-0242/25 JN od 25.02.2025.godine, u postupku javne nabavke - Usluge razmjene podataka evidencije uplaćenih doprinosa za zapošljavanje za potrebe Javne ustanove „Služba za zapošljavanje Kantona Sarajevo“ Sarajevo, direktorica Javne ustanove „Služba za zapošljavanje Kantona Sarajevo“ Sarajevo *d o n o s i*

## **ODLUKU** **o izboru najpovoljnijeg ponuđača**

### **Član 1.**

Prihvata se Preporuka Komisije za javnu nabavku broj: 09/3-0242/25 JN od 25.02.2025.godine i ugovor za javnu nabavku – Usluge razmjene podataka evidencije uplaćenih doprinosa za zapošljavanje, za potrebe Javne ustanove „Služba za zapošljavanje Kantona Sarajevo“ Sarajevo, dodjeljuje se ponuđaču, „ERC ZIPO“ d.o.o. Sarajevo, konačna ponuda broj: 419/25 od 24.02.2025. godine, za ponudenu cijenu u iznosu od 21.998,00 KM bez uračunatog PDV-a, za period trajanja ugovora.

### **Član 2.**

Prijedlog ugovora kojim će se regulisati međusobna prava i obaveze dostavit će se na potpis izabranom ponuđaču, a u skladu sa članom 98. stav (2) tačka a) Zakona o javnim nabavkama („Službeni glasnik BiH“, broj 39/14, 59/22 i 50/24).

### **Član 3.**

Ova Odluka objavit će se na web stranici Javne ustanove „Služba za zapošljavanje Kantona Sarajevo“ Sarajevo, [www.szks.ba](http://www.szks.ba), istovremeno s upućivanjem ponuđaču koji je učestvovao u postupku predmetne nabavke, shodno članu 70. stav (6) Zakona o javnim nabavkama.

### **Član 4.**

Ova Odluka stupa na snagu danom donošenja.

## **Obrazloženje**

Odlukom o pokretanju postupka nabavke - Usluge razmjene podataka evidencije uplaćenih doprinosa za zapošljavanje za potrebe Javne ustanove „Služba za zapošljavanje Kantona Sarajevo“ Sarajevo broj: 01-01-0095/25 od 30.01.2025. godine, pokrenut je predmetni postupak javne nabavke.

Javna nabavka provedena je putem pregovaračkog postupka bez objave obavještenja. Procijenjena vrijednost predmetne nabavke bez PDV-a iznosi 22.000,00 KM.

Slijedom navedene Odluke, dana 31.01.2025. godine, Informacija o pregovaračkom postupku bez objave obavještenja o nabavci poslata je na objavu putem Portala javnih nabavki, zajedno sa TD Prva Faza postupka - Uslovi za kvalifikaciju broj: 0107/25 od 31.01.2025. godine.

Po isteku roka predviđenog za dostavljanje zahtjeva za sudjelovanje u Fazi pretkvalifikacije, Komisija za javnu nabavku - Usluge razmjene podataka evidencije uplaćenih doprinosa za zapošljavanje, imenovana Rješenjem broj: 01-01-34-0140/25 od 05.02.2025. godine, u pregovoračkom postupku bez objave obavještenja (u nastavku teksta: Komisija), konstatuje sljedeće:

- Da je kao jedini pristigli zahtjev do roka predviđenog sadržajem Poziva za dostavljanje zahtjeva za učešće broj: 0107/25 od 31.01.2025. godine, zahtjev kandidata ERC ZIPO d.o.o. Sarajevo, zaprimljen pod protokolarnim brojem: 09/3-01/25JN od 06.02.2025. godine.

U postupku pregleda i analize istog, Komisija konstatuje da shodno kvalifikacijskoj sposobnosti kandidata, a u skladu sa članom 44., 45., 46. i 50. Zakona o javnim nabavkama („Službeni glasnik BiH“, broj 39/14, 59/22 i 50/24), kandidat zadovoljava zahtjevane kriterije.

Komisija dalje zaključuje da je kandidat kao takav kompetentan, pouzdan i sposoban za izvršenje ugovora uzimajući u obzir ličnu sposobnost kandidata, sposobnost obavljanja profesionalne djelatnosti kao i tehničku sposobnost, o čemu je sačinila odgovarajuće zapisnike, te dalje Preporuku broj: 09/3-0148/25 od dana 06.02.2025. godine, slijedom koje je donešena Odluka o rezultatima kvalifikacije broj: 01-01-0149/25 od dana 06.02.2025. godine, te posljedično upućen Poziv za dostavu početne ponude putem Portala javnih nabavki.

U procesu evaluacije i analize pristigle početne ponude, ponuđača ERC ZIPO d.o.o. Sarajevo, Komisija je prevashodno pristupila provjeri valjanosti početne ponude broj: 341/25 od dana 13.02.2025. godine, prema sadržaju, te konstatovala da ista sadrži Aneксе 1., 2., i 3. shodno traženom okvirom TD za učešće u Drugoj fazi predmetnog postupka. Nadalje Komisija prilikom ocjene iste, utvrđuje postajanje računске greške u izračunu **ukupne cijene sa popustom bez PDV-a**, te shodno utvrđenom elektronskim putem šalje Zahtjev za prihvatanje ispravke računске greške, na što ponuđač prihvata ispravak Dopisom broj: 380/2025 od 18.02.2025. godine.

Sastanak povodom pregovora održan je 19.02.2025. godine u s početkom u 09:45h.

O toku i ishodu pregovora potvrđuje Zapisnik o obavljenim pregovorima broj: 0174-1/25 od 19.02.2025. godine, okvirom kojih predstavnik ponuđača potvrđuje da ostaje pri cijeni navedenoj u inicijalnoj ponudi, broj: 341/25 od 13.02.2025. godine, u iznosu od 21.998,00 KM bez PDV-a. Nadalje, Komisija je sačinila Preporuku da se ponuđaču ERC ZIPO d.o.o. Sarajevo, uputi Poziv za dostavljanje konačne ponude, na način da se istom učini dostupan - Poziv za dostavljanje konačne ponude, putem Portala javnih nabavki.

Dostavljenjem konačne ponude broj: 419/25 od 24.02.2025. godine, ponuđač potvrđuje da ostaje pri cijeni datoj sadržajem inicijalne ponude broj: 341/25 od 13.02.2025. godine, te da ostaje a u skladu sa Zahtjevom za prihvatanje ispravke računске greške od 18.02.2025. godine, što u konačnici iznosi 21.998,00 KM bez uračunatog PDV-a, odnosno 25.737,66 KM sa PDV-om. Cijeneći sve prethodno navedeno, Komisija čini Preporuku broj: 09/3-0242/25 JN od dana 25.02.2025. godine.

U postupku donošenja ove Odluke cijeneći da je Komisija pravilno i potpuno izvršila ocjenu kvalifikovanosti ponuđača shodno kriterijima predviđenim okvirom TD a u skladu sa dosljednom primjenom zakonskih i podzakonskih propisa.

Cijeneći naprijed izloženo, primjenom člana 64. stav (1) tačka b), člana 70. stav (1), (3) i (6) Zakona o javnim nabavkama („Službeni glasnik BiH“, broj 39/14, 59/22 i 50/24), odlučeno je kao u dispozitivu ove Odluke.

**Pouka o pravnom lijeku:**

Protiv ove Odluke može se izjaviti žalba, Uredu za razmatranje žalbi, putem ovog Ugovornog organa, a u skladu sa članom 99. i 101. Zakona o javnim nabavkama.



**Dostaviti:**

- ERC ZIPO d.o.o. Sarajevo,
- Evidenciji,
- A/a



